

BASES DO VIII CONCURSO “BATALLA MURAL” 2025

PRIMEIRA.- FINALIDADE

O Concello de Vigo convoca o concurso de arte urbano “BATALLA MURAL” co obxectivo de achegar o valor da cultura urbana, especialmente do arte urbano e do *graffiti* en todas as súas manifestacións, á cidadanía en xeral e á xuventude en particular e conectalo co valor cultural, patrimonial e social da cidade de Vigo e, ao mesmo tempo, promover e dar participación a xoves creadores de *graffiti* e arte urbano como canle de expresión cultural e artística.

SEGUNDA.- PARTICIPANTES

A inscrición será gratuíta e aberta a persoas a partir dos 18 anos.

A participación será individual.

É requisito indispensable que ningún dos participantes teña participado en ningunha das edicións do programa “Vigo, cidade de cor” organizado polo Concello de Vigo.

TERCEIRA.- TEMÁTICA

A temática será secreta ata o día da celebración do evento. O tema se comunicará aos participantes media hora antes do inicio da “Batalla Mural”.

Non serán admitidos traballos con contidos políticos, irreverentes, obscenos, xenófobos o calquera outro que atente contra a dignidade das persoas. No caso de que algún dos murais participantes tivese algún destes contidos será desqualificado automaticamente.

CUARTA.- PRESENTACIÓN

A documentación que deberá enviarse para a participación no concurso será a seguinte:

-Solicitud de inscrición no concurso organizado polo Concello de Vigo - Patrimonio Histórico “Batalla mural”, onde constarán os datos persoais necesarios para a identificación do/a participante, un teléfono e dirección de correo electrónico de contacto, a **declaración de que se coñecen estas bases e se aceptan na súa totalidade;** o material a utilizar será o spray.

-Coa solicitude se presentará un dossier cos traballos do/a artista realizados ata a data que servirán de base para que o xurado seleccione aqueles participantes que considere que poderán cumprir cos obxectivos do concurso recollidos na base Primeira seguindo os criterios indicados na base Sexta Fases do concurso.

-A solicitude deberá enviarse á seguinte dirección de correo electrónico: ofi.ph@vigo.org.

-O prazo de presentación de solicitudes finalizará o 19 de maio de 2025 ás 15:00’ horas.

QUINTA.- DATA, LUGAR E HORA DA “BATALLA MURAL”

DATA: Sábado 24 de maio de 2025

LUGAR: Porta do Sol

HORA: A actividade comenizará ás 9,30 horas e rematará ás 14,30 e a continuación farase entrega dos premios.

Os participantes seleccionados para concursar deberán presentarse media hora antes do comenzo da actividade, momento no que se lles comunicará a temática escollida e se fará entrega dos materiais para a realización dos traballos.

SEXTA.- FASES

O certame constará de dúas fases:

1.- Fase de selección: o xurado seleccionará entre os perfís enviados aqueles que considere máis orixinais, representativos e de maior expresión artística atendendo á formación, técnica e traballos presentados na solicitude de participación e conforme aos criterios de creatividade, orixinalidade e cualidade, podendo seleccionar ata un máximo de 10 traballos/artistas que pasarán á fase final. Outros 5 traballos/artistas quedarán na reserva. Os artistas seleccionados serán notificados polo Concello de Vigo e se lles emprazará para o día do concurso. Os participantes aos que sexa imposible localizar para notificar a súa selección quedarán descualificados e se contactará cos finalistas da reserva segundo o orde da súa posición.

2.- Fase final: os participantes seleccionados realizarán as súas obras sobre unha peza de cartón pluma de 2x2,5 metros (medida que finalmente se poderá variar polo Concello) que se instalarán na Porta do Sol. As obras serán realizadas pola mesma persoa que presentou a solicitude.

Nesta fase final o xurado elixirá a un primeiro/a gañador e dous gañadores máis “en reserva”, segundo e terceiro posto. Estes/as gañadores “en reserva” teranse en conta para o caso de que o primeiro/a gañador non puidese participar na vindeira edición do programa “Vigo, cidade de cor” (programa municipal de medianeiras), organizado polo Concello de Vigo.

Os participantes na “Batalla Mural” asumen o compromiso de non retirar a súa obra antes da decisión do xurado; os participantes non premiados, unha vez finalizado o evento, poderán retirar os seus traballos.

SÉTIMA.- HONORARIOS E GASTOS

Ningún participante percibirá pola súa asistencia cantidade algunha en concepto de honorarios. Os gastos de desprazamentos, manutención e/ou aloxamento que puideran derivarse da participación nesta actividade serán por conta de cada un dos participantes.

OITAVA.- MATERIAIS

O Concello de Vigo subministrará o material necesario para pintar: sprays (caps necesarios).

Proverase a todos os participantes dun mínimo de 10/12 cores de spray e serán as mesmas cores para todos os participantes, cos que terán que desenvolver a súa obra durante o tempo indicado. Non se permite a utilización de medios auxiliares de elevación.

NOVENA.- DEREITOS

Os premiados autorizan ao Concello de Vigo para a publicación, reprodución ou distribución, total ou parcial, da obra gañadora con renuncia expresa a calquera tipo de reclamación que poida derivarse e nos termos esixidos no Real decreto lexislativo 1/1996, de 12 de abril, polo que se aproba o Texto refundido da Lei de propiedade intelectual. Os dereitos adquiridos polo Concello de Vigo non alcanzarán, en ningún suposto, a transmisión dos dereitos da propiedade intelectual. Unicamente é unha cesión da imaxe dos traballos premiados para a súa publicación, reprodución e/ou distribución, a través de calquera soporte que o permita, no marco do interese público e finalidade institucional de divulgación cultural para alcanzar os obxectivos da organización desta actividade municipal. As actuacións o día do evento poderán ser gravadas e/ou fotografadas tanto

polos asistentes como pola organización, de tal forma que o Concello de Vigo poderá utilizalas segundo o recollido no parágrafo anterior.

DÉCIMA.- O XURADO

O xurado será determinado polo Concello de Vigo entre especialistas en arte urbano. O xurado seleccionará, conforme aos mesmos criterios descritos na fase de selección, a obra ganadora e as dúas que pasarán á condición de reserva para o caso citado anteriormente. A decisión farase pública á conclusión da xornada.

UNDÉCIMA.- O PREMIO

O participante premiado en primeiro lugar terá a posibilidade de participar como artista na seguinte edición (se a houbese) da actividade municipal “Vigo, cidade de cor” (programa de medianeiras), para o que deberá cumprir con todos os requisitos contidos nas bases da convocatoria que sexan aprobadas pola Xunta de Goberno Local. No caso de que non cumpra algún destes requisitos a posibilidade de participar no programa recaerá nos premiados en situación de reserva (o segundo, e se éste tampouco reúne os requisitos, o terceiro premiado).

DUODÉCIMA E ÚLTIMA.- ACEPTACIÓN DAS BASES

A participación neste concurso implica a aceptación das presentes bases.